



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

PRAVILNIK O PRIMJENI GRAFIČKIH STANDARDA

Sarajevo, januar 2026. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 79. Statuta Grada Sarajeva („Službene novine Kantona Sarajevo“, broj 7/23), člana 1., člana 2. i člana 3. Odluke o grbu i zastavi Grada Sarajeva („Službene novine Kantona Sarajevo, broj 25/20) i člana 2. Odluke o upotrebi grba, imena i isticanju zastave Grada Sarajeva („Službene novine Kantona Sarajevo“, broj 5/06 – prečišćeni tekst, 33/07 i 25/19), gradonačelnik Grada Sarajeva donosi:

PRAVILNIK o primjeni grafičkih standarda

Član 1.

(Predmet)

- (1) Ovim Pravilnikom propisuje se obavezna primjena grafičkih standarda i pravila vizuelnog identiteta utvrđenih Knjigom grafičkih standarda.
- (2) Obaveza iz stava (1) ovog člana Pravilnika odnosi se na službenu internu i eksternu komunikaciju gradskih službi za upravu i stručnih službi Grada Sarajeva.

Član 2.

(Sadržaj Knjige grafičkih standarda)

- (1) Utvrđeni grafički standardi odnose se na:
 - grb, logotip, zastavu i službenu tipografiju;
 - komunikacijske materijale, odnosno memorandum, kovertu i vizit kartice nosioca funkcija, te gradskih službi za upravu i stručnih službi Grada Sarajeva;
 - svečane komunikacijske materijale, što uključuje memorandum nosioca funkcija, kovertu i vizit kartice;
- (2) Ukoliko se ukaže potreba, grafički standardi mogu obuhvatiti i druge segmente primjene.

Član 3.

(Obaveza postupanja za gradske službe za upravu i stručne službe Grada Sarajeva)

Grafički standardi utvrđeni Knjigom grafičkih standarda obavezni su za sve uposlenike gradskih službi za upravu i stručnih službi Grada Sarajeva, prilikom sačinjavanja i izrade:

- općih akata;
- pojedinačnih upravnih akata;
- dopisa;
- akata poslovne korespondencije;
- internih dokumenata;
- ostalih komunikacijskih materijala;
- štampanih i elektronskih oblika prezentacija, oglašavanja, promotivnih i drugih aktivnosti.

Član 4.

(Obaveza postupanja za pravna i fizička lica)

Grafički standardi utvrđeni Knjigom grafičkih standarda su obavezni i za sva fizička i pravna lica koja će jednokratno ili na duži period primjenjivati ili producirati štampane ili elektronske materijale koji sadrže grb, logotip i/ili zastavu Grada Sarajeva, a sve u skladu sa odredbama Odluke o upotrebi grba, imena i isticanju zastave Grada Sarajeva.

Član 5.

(Nadzor nad primjenom)

- (1) Nadzor nad primjenom grafičkih standarda i pravila vizuelnog identiteta obuhvaćenih Knjigom grafičkih standarda, vršit će se putem Stručne službe za poslove kabineta i poslove Gradske uprave – Odjeljenje za informatičke poslove.
- (2) Služba iz stava (1) ovog člana Pravilnika će nakon stupanja na snagu ovog Pravilnika, poduzeti sve potrebne aktivnosti u cilju omogućavanja svim uposlenicima u gradskim službama za upravu i stručnim službama Grada Sarajeva dosljednu i propisanu primjenu svih vizuelnih materijala obuhvaćenih Knjigom grafičkih standarda.

Član 6.

(Obaveznost u primjeni)

- (1) Primjena utvrđenih grafičkih standarda je obavezna, a za njihovu pravilnu primjenu odgovorni su rukovodioci organizacionih jedinica (pomoćnici gradonačelnika/rukovodioci stručnih službi), kao i nadležna služba iz člana 4. ovog
- (2) Pravilnika koja vrši poslove nadzora. Primjenu utvrđenih grafičkih standarda za fizička i pravna lica iz člana 4. ovog Pravilnika vrši nadležna služba putem koje se provodi postupak odobravanja upotrebe grba, imena i isticanja zastave Grada Sarajeva.

Član 7.

(Sankcije)

Svako postupanje suprotno odredbama ovog Pravilnika i utvrđenim Knjigom grafičkih standarda povlači sankcije u skladu sa zakonskim, materijalnim i drugim odgovornostima.

Član 8.

(Prestanak važenja)

Stupanjem na snagu ovog Pravilnika prestaju da važe odredbe Uputstva o sadržaju, izgledu i načinu korištenja memoranduma Grada Sarajeva broj: 01/14-04-232/24 od 12.01.2024. godine.

Član 9.

(Stupanje na snagu)

Ovaj Pravilnik stupa na snagu danom donošenja, a naknadno će biti objavljen u „Službenim novinama Kantona Sarajevo“.

GRADONAČELNIK
Samir Avdić, s.r.

Broj: 01/03-04-263/26
Sarajevo, 20.01.2026. godine